



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Expositio Cavsarvm Quibus S. R. M. Sveciae bellum à  
Rege Regnoque Daniae sibi illatum, etiam post Pacem  
Roschildiae initam, continuare coacta fuit**

**Coyet, Peter Julius**

**[S.l.], 1658**

Lit S. Tenor Procurationis Legatis Svedicis ad ineundum cum Danis foedus  
datae.

**urn:nbn:de:hbz:466:1-10534**

Fœdus hoc à S. S. R. R. M. M. Daniæ & Sveciæ, ut & utriusque Regni in-  
celyto Senatu intra spacium hebdomadam rati habebitur, approbabitur & extra-  
detur.

Uno ante finem hujus fœderis anno utrique Confœderati invicem tracta-  
bunt, siquidem Confœderationem istam continuare & prolongare animus ipsis  
fuerit.

Lit S.

## Tenor Procurationis Legatis Svedi- cis ad ineundum cum Danis fœdus datæ.

**N**os Carolus Gustavus, DEI Grat. Svecorum, Gothorum, Wandalo-  
rumque Rex &c. Notum testatumque facimus: Postquam inter Nos  
& Serenissimum ac Potentissimum Principem & Dominum, Dominum  
Fridericum Tertium &c. Fratrem, Confanguineum, Vicinum ac bo-  
num Amicum Nostrum olim orta dissidia ac bella, assistente Divini Numinis gra-  
tia & benigna benedictione, sublata & composita, in eorundem vero locum irre-  
vocabilis & sincera pax & amicitia inter Nos, nostra Regna & Subditos, reducta, &  
per proxime juxta votum finitos Pacis Tractatus conclusa sit; in majorem istius  
confirmationem ac robur, ut & meliorem defensionem ac conservationem Regno-  
rum nostrorum atque Ditionum, ab utraque parte consultum visum fuit, arctiori  
fœdere invicem innecti. Propterea percipientes, à Regis Daniæ Dilectione in  
eundem finem certos Commissarios constitutos esse, Nos similim in modum ad  
summè necessarium, & utrisque borealibus hisce Regnis maxime proficuum ac  
salutare opus promovendum constituimus & ordinavimus, quemadmodum etiam  
vigore harum nostrarum patentium literarum constituimus & ordinamus Nobis  
sincere & fideliter delictos, Illustrem, Magnificos ac Generolos, Nostrum Regni-  
que Nostrum Senatorem, Admiralium ac Admiralitatis Consiliarium, Dominum  
Stenonem Bielke, Liberum Baronem in Korpo, Dominum in Gæddebolm, Graf-  
soen & Tanga, ut & Consiliarium Nostrum Aulicum, Secretarium Status & Asses-  
sorem in Generali Nostrum Commerciorum Collegio Petrum Julium Coyet, Hæ-  
reditarium in Bengtsboda, Equitem Auratum, Plenipotentiarios Nostrum Com-  
missarios, Eisque plenam ac huic rei sufficientem potestatem tribuimus ac commi-  
simus, ut non solum cum supradicti Regis Daniæ Dilect. Senatoribus ac Commis-  
sariis congrediantur & agant, sed & constituent ac concludant, quodcunque ad  
promovendum strictius fœdus inter Nos, & utraque hæc Regna necessarium inve-  
niatur. Quicquid igitur dicti Legati Nostrum cum Commissariis Danicis tractave-  
rint, egerint & statuerint, id à Nobis & successoribus Nostris in Regno Sveciæ fir-  
miter & inviolabiliter sine omni dolo servatum iri promittimus, non secus

ac si à Nobis ipsis factum conclusumque fuerit. In quorum fidem majorem ac certitudinem præsentem manu Nostra subscriptas Sigillo Nostro &c. Dabatur in Urbe Nostra Landscronæ, die 9. Martii Anno 1658.

Carolus Gustavus.

L. S.

Lit. S.

## Tenor Procuratorii Legatis Suedicis ad Recessum Additivum conficiendum dati.

**N**os Carolus Gustavus, DEI Gratia, Suecorum, Gothorum, Wandalarumque Rex, Magnus Princeps Finlandiæ, Dux Scaniæ &c. Notum testatumque facimus: Quemadmodum circa Pacis Daniæ Executionem ab una vel altera parte quidpiam accidere ac exponi potest, quod futuris temporibus in alium sensum torqueri, Pactorumque Roschildensium certitudinem ac securitatem turbare & intervertere valeat: Ita quò omnibus in posterum erroribus ac dissensionibus præveniatur, omneque illud quod diversam istorum Pactorum explicationem & sequiorem sensum generare potest, componatur, bona & sincera amicitia conservetur, omnesque Præensiones ac mutua incusationes vigore Amnestiæ Generalis omnino tollantur, & perpetua oblivione sepeliantur, in mandatis dedimus ac commisimus Nostri jam ante ad Fœderis Daniæ Tractatus constitutis Commissariis Plenipotentiaris, sincere ac fideliter dilectis, Illustri, Magnificis ac Generosis, Nostro Regniq; Nostri Senatori, Admiratio ac Admiralitatis Consiliario, Domino Stenoni Bielke, Libero Baroni in Korpo, Domino in Gæddeholm, Grafsoen & Tanga, ut & Consiliario Nostro Aulico, Secretario Status & Assessori in Generali Nostro Commerciorum Collegio, Petro Julio Covet, Hæreditario in Bengtsboda &c. Equiti Aurato; sicut etiam vigore harum in mandatis damus, committimus, plenamque ac huic rei sufficientem potestatem tribuimus, ut cum Commissariis Danicis super isthac materie congregiantur, & in Recessu aliquo peculiari seu additivo comprehendant, tractent ac concludant hoc & omne præterea aliud, quod ad supradictæ Pacificationis Roschildensis inviolabilem conservationem, & ad omnes occasiones diversarum explicationum ac dissensionum ab una vel altera parte nunc & in posterum oriturarum præripiendas, facere posse videbitur. Quicquid igitur in hunc finem tractaverint, egerint, ac statuerint, Id Nos omni meliori modo ratum gratumque habebimus, firmiterque ac inviolabiliter perpetuo servabimus, non secus ac si à Nobis ipsis factum conclusumque fuisset. In quorum fidem majorem ac certitudinem præsentem literas manu Nostra subscriptas sigillo Nostro Regio muniri jussimus. Dabatur in Urbe Nostra Gothenburg, die 24. April. Anno 1658.

Carolus Gustavus.

L. S.

Lit. T.